

quit: Aut quid habent alia Europe re-
giones, quod non habet quoque Ger-
mania? Legunt Germani aurum in Rhe-
no, Arola & alijs quibusdam fluuijs,
habent plurimas ferri, argenti, & alio-
rum metallorum mineras, habent in-
numeros fontes, unde salis abundantiam
hauriunt, habent plurima, optima
& diuersa uina, abundant frumento,
ut etiam hisce temporibus experti si-
mus, Italos panem quesisse apud Ger-
manos. Multe passim salubres scaturi-
unt thermae, ubi montosa est terra, pe-
cuarie rei opera impenditur, & ubi ne-
morosa, ibi ingens uis picis colligitur,
praesertim in nigra & hercynia sylua.
Planticies terrae uestitur pulcherrimis
& foecundissimis uinetis & pomarijs:
amnes omnes Germaniam rigantes,
qui infiniti sunt, piscosi sunt, sicut &
nullus lacus est, qui maximi & pluri-
mi iuxta alpes inueniuntur, qui non pro-
prium quoddam piscium habeat ge-
nus. Quam uero populosa sit Germa-
nia, quot insignibus decoretur urbi-
bus, ciuitatibus, oppidis, castellis, arcibus,
uillis, pagis & monasterijs, dici ne-
quit. Longe hodie abest, quod L. An-
neus Seneca in libro de gubernatione
mundi in hunc modum scripsit de Ger-
manis: Errant, inquit, incertis sedibus,
perpetuas habent hyemes, solum est in-
foecundum, nullas habent edes, uena-
tionibus uiuunt, ubicunq; nox fessos
laboribus deprehendit, cubant sub fron-
dibus aut in speluncis foueisue, &c.
Liuus putat Germaniam totam nihil
nisi horridam syluam esse, ad quam nullus
unquam mercator uenit. Idem scribunt
Tacitus & Caesar. At si scriptores isti
iam cernerent Germaniam, non pos-
sent non suffundi magno rubore, uiden-
tes eam tam excultam, ut nulli alteri ter-
re in fertilitate, opibus & gradibus di-
gnitatem cedat. In nulla enim alia licebit
inuenire tot principes, duces, latgraui-
os, marchiones, comites, barones, no-
biles, episcopos et abbates amplissimis
suffultos dititionibus, ut in Germania.
Habuit olim infinitos fere populos, si

credimus Straboni, Tacito & Ptole-
maeo, sed quorum nomina amplius non
extant, praeter pauca quaedam, ut sunt
nomina Sueuorum, Boiorum, Helue-
tiorum, Frisiorum, & Longobardorum,
quanquam Heluetiorum nomen uulga-
ribus incognitum sit: & his nostro aeo
successerunt alia infinita penes uocabu-
la, quibus & populos & terras quas in-
habitant exprimimus. Maiores regio-
nes peculiaria habent nomina, ut sunt
Heluetia, Alsatia, Vuestricha, Eysalia,
Brabantia, Holandia, Sueuia, Hasso-
nia, Bauaria, Franconia, Thuringia, Sa-
xonia, Frisia, Pomerania, Austria, Sle-
sia, Misnia, &c. Minores uero plerumque
desinunt in syllabam gew, ut sunt Bre-
gew, Sunggew, Brisgew, Hegew, Al-
gew, Vualgew, Ringew, Kreichgew, Za-
bergew, Nortgew, Bintzgew, Lech-
gew, Kleckgew, Buchsgew, Lintzgew,
Meingew, &c. Maiores regiones sin-
gule olim & quaedam adhuc habent du-
ces aut alios principes, ut dux Sueuia,
dux Saxonie, dux Geldrie, dux Po-
merania, dux Fraconie, dux Bauarie,
dux Austriae, dux Lotharingiae, Land-
grauis Hassonia, &c. Quidam tamen
habent a metropoli aut alio insigni lo-
co denominationem, ut dux Brunswi-
censis, dux Wirtembergensis, dux Lu-
nenburgensis, dux Cleuesis, Marchio
Badensis, Marchio Brandenburgensis.
Idem sentiendum de episcopis seculari-
bus. Seculares uoco, qui dititionem tem-
poralem administrant, habentes sub se
terras & gentes. Itaque totius Germa-
niae ditio distributa est in infinitos fere
rectores, nempe duces, latgrauos, mar-
chiones, comites, barones, nobiles, epi-
scopos, abbates, miserosque quosdam mo-
nachos, exceptis aliquot ciuitatibus,
que imperatorem immediatum agno-
scunt dominum, & propterea imperia-
les uocantur, ex quibus tamen aliquae
principibus aut episcopis sunt impigno-
rate, & quaedam libertate donatae.

Sunt autem istae ciuitates imperiales.

Aquisgranum Alen
Antuerpia Augusta Vindelic.
Argen